

# Pesara tentera mengaku tuduhan keldai akaun didenda RM500

**MIRI:** Seorang pesara tentera didenda RM500 atau sebulan penjara oleh Mahkamah Majistret di sini, semalam setelah mengaku bersalah atas tuduhan menjadi keldai akaun.

Muhammad Isa Hasan, 45, dari Taman Cempaka, Ipoh, Perak telah didakwa mengikut Seksyen 37 (1) Ordinan Kesalahan-Kesalahan Kecil 1958 (Sarawak).

Mengikut kesalahan ini, tertuduh boleh dikenakan hukuman penjara hingga tiga bulan dan denda sehingga RM500 jika sabit kesalahan.

Menurut keterangan kes, tertuduh didapati ada memiliki wang berjumlah RM6,700 di dalam akaun banknya yang

diperolehi secara tidak sah.

Dia didakwa melakukan kesalahan itu antara jam 1.31 petang dan jam 7.33 malam, 29 Jun 2021 di sebuah lot di Lorong Intan 3, Jalan Perak, Vista Perdana Bandar Baru Permyjaya di sini.

Di hadapan mahkamah, tertuduh yang tidak diwakili peguam bela merayu hukuman ringan memandangkan ini adalah kesalahan pertamanya.

Tambahan kini dia tidak mempunyai pekerjaan setelah bersara sebagai pegawai tentera dengan pangkat terakhir mejar.

Pendakwaan dikendalikan Inspektor Mudzilawati Abdul Rahman di hadapan Majistret Ashok Linggam.